

# SELANGOR EDISI KHAS #Selangor2020



## NEGERI UNGGUL RAKYAT BERMARTABAT



Bantuan wang  
sehingga  
dua bulan gaji

RM50 juta  
demi capai  
Negeri Pintar

Skim Air  
Darul Ehsan  
bermula 1 Mac

RM36.8 juta  
kukuh program  
keusahawanan

RM16.6 juta untuk  
Tabung Biasiswa  
Selangor

# Belanjawan negeri peruntuk RM2.33 billion

**KERAJANAN** Negeri memperuntukkan anggaran perbelanjaan RM2.33 bilion dalam Belanjawan #Selangor2020 dengan RM1.13 bilion atau 48.56 peratus untuk Belanja Pembangunan sementara RM1.20 bilion atau 51.44 peratus bagi Belanja Mengurus.

Dato' Menteri Besar, Amirudin Shari berkata, Belanjawan 2020 dijangka mengalami defisit RM133 juta, sedikit menurun berbanding RM360 juta pada 2019.

"Pengalaman belanjawan yang lalu membuktikan perbelanjaan berhemah, memperkuuh budaya kerja cekap dan berintegriti dan menutup ruang pembaziran serta ketirisan telah berjaya mengurangkan belanjawan defisit kepada satu jumlah munasabah," kataanya ketika membentangkan Belanjawan Selangor 2020 di Dewan Negeri Selangor, pada 1 November lalu.

Amirudin berkata, segala usaha yang diambil Kerajaan Negeri menunjukkan hasil positif dengan peningkatan kutipan hasil berbanding tahun lalu.

Katanya, prestasi kewangan negeri setakat 18 Oktober 2019 adalah baik dengan menyaksikan kedudukan rizab semasa negeri RM2.32 bilion dengan prestasi Belanja Pembangunan mencapai 69.48 peratus daripada RM 1.4 bilion berbanding 68.16 peratus daripada RM 1.66 bilion pada tempoh sama pada 2018.

"Prestasi Belanja Mengurus mencatatkan 68.05 peratus daripada RM 1.28 bilion Peruntukan Mengurus yang disediakan bagi 2019 berbanding 72.49 peratus daripada peruntukan RM 1.46

bilion pada tempoh sama 2018 dengan kutipan sebenar hasil negeri 2018 RM1.99 bilion," katanya.

Sementara itu, Amirudin berkata, Kerajaan Negeri menganggarkan kutipan Hasil bagi 2020 berjumlah RM2.20 bilion dengan penyumbang utamanya adalah Premium Tanah iaitu RM968.4 juta bersamaan 44.02 peratus diikuti hasil Cukai Tanah iaitu RM 568.21 juta (25.83 peratus), manakala penyumbang ketiga adalah daripada Pemberian Persekutuan iaitu RM224.84 juta (10.22 peratus).

"Pembangunan fizikal masih terus menjadi nadi utama belanjawan 2020 dengan 31.2 peratus disediakan bagi menampung perbelanjaan pembangunan infrastruktur manakala 29.9 peratus pula disediakan bagi perbelanjaan pembangunan ekonomi.

"Peruntukan yang disediakan ini adalah bagi memacu pembangunan ekonomi Selangor untuk terus menjadi sebuah negeri maju yang sesuai untuk didiami. Selain itu, Kerajaan Negeri juga akan memastikan Selangor terus kekal menjadi nadi pembangunan negara dan paksi kepada ekonomi nasional," katanya.


Belanjawan Selangor 2020 dengan temanya Selangor Negeri Unggul, Kehidupan Bermartabat menggariskan lima strategi.

Ia membatikan strategi Menjana Pertumbuhan dan Pemberdayaan Ekonomi Negeri, Merencana Agenda Pendidikan Unggul, Mewujudkan Selangor yang Selamat, Sihat dan Sejahtera, Menjamin Kelestarian Alam Sekitar serta Menjuarai Kemampuan Sosial.

“

Pengalaman belanjawan yang lalu membuktikan perbelanjaan berhemah, memperkuuh budaya kerja cekap dan berintegriti dan menutup ruang pembaziran serta ketirisan telah berjaya mengurangkan belanjawan defisit kepada satu jumlah yang munasabah

## RM2.333B



## Bantuan kewangan sehingga dua bulan gaji

**PENJAWAT** awam di Selangor bakal menerima 'durian runtuhan' menerusi Bantuan Khas Kewangan (BKK) dari RM500 sehingga dua bulan gaji pada 24 Disember ini.

Dato' Menteri Besar, Amirudin Shari berkata, imbuhan itu adalah bantuan kali kedua

berdasarkan prestasi jabatan dan individu yang menelan perbelanjaan RM30 juta.

"Justeru sebagai menghargai sumbangan dan motivasi kepada mereka untuk meneruskan kerja baik dan meningkatkan pencapaian di masa hadapan, saya meng-

umumkan suatu Bantuan Khas Kewangan (BKK) berdasarkan pencapaian Petunjuk Prestasi Utama (KPI) Jabatan dan Prestasi Individu anggota perkhidmatan awam Kerajaan Negeri.

"Sikap profesionalisme dan saling hor-

mat-menghormati menjadi adunan penting dalam memastikan Selangor kekal unggul," katanya.

BKK kali pertama iaitu insentif sebulan gaji diajih kepada penjawat awam menjelang sambutan Aidilfitri lalu.

# STRATEGI 1 EKONOMI

## RM50 juta teruskan inisiatif Negeri Pintar

**INISIATIF** Smart Selangor diteruskan dengan peruntukan RM50 juta dan menyasarkan kemajuan projek sebanyak 46 peratus menjelang akhir tahun 2020.

Dato' Menteri Besar, Amirudin Shari berkata, Kerajaan Negeri memperuntukkan RM300 juta sepanjang enam tahun lalu bagi mencapai gagasan negeri pintar utama (Premier Smart State) menjelang 2025 dan setakat ini ia sudah mencapai sasaran 26 peratus.

"Kita yakin pelabur serta sektor swasta akan turut bersama-sama Kerajaan Negeri menyokong usaha ini dengan nisbah sokongan dana adalah 1:1. Ini menjadikan unjuran nilai keseluruhan pembangunan Smart Selangor adalah RM600 juta.

"(Penubuhan) Pusat Kawalan dijangka mampu menganalisis dan cerapan dari sistem pengumpulan data dan menghubungkan dengan beberapa agensi seperti polis, Jabatan Pengangkutan Jalan (JPJ) dan agensi keselamatan lain.

"Tumpuan juga diberikan kepada Pembangunan 'Selangor Gigabit Network' (SeGNet) dan 'Hybrid Data Centre' yang bakal memperkenalkan penggunaan jaringan intranet Kerajaan berkela-juan Gigabit dan juga menerajui penggunaan teknologi pengkomputeran awan untuk tujuan 'pemulihian data ketika bencana'.

"Selain itu, pembangunan beberapa ekosistem pengupayaan ekonomi seperti ekosistem ekonomi nirtunai, pengkalan digital IKS, data pelancongan, pasaran kerja untuk kegunaan IKS dan juga rakyat terbanyak. Tidak ketinggalan meneruskan penganjuran Selangor International Cyber Games 2020," katanya ketika membentangkan Belanjawan#2020 di Dewan Negeri Selangor (DNS) di Bangunan Annex, pada 1 November lalu.



Beliau berkata, Kerajaan Negeri juga akan menyediakan geran inovasi RM600,000 untuk pembangunan teknologi 'Kecerdasan Buatan' (Artificial Intelligence) bagi menggalakkan pihak swasta dalam dan luar negara memulakan kajian serta pembangunan bersama penyelidik tempatan.

"Bagi merancakkan pembudayaan akar umbi dan penglibatan generasi muda terhadap pembinaan negeri pintar, setiap DUN dijalankan untuk meneroka solusi pintar dalam memberi khidmat kepada rakyat.

"Sejumlah RM100,000 disediakan bagi tujuan ini untuk menang solusi terbaik. Pentadbiran ini yakin dapat mencapai sasaran 46 peratus kemajuan projek dan program Smart Selangor menjelang akhir tahun 2020," katanya.

“

Kita yakin pelabur serta sektor swasta akan turut bersama-sama Kerajaan Negeri menyokong usaha ini dengan nisbah sokongan dana adalah 1:1. Ini menjadikan unjuran nilai keseluruhan pembangunan Smart Selangor adalah RM600 juta

## Bandar Perniagaan Selangor pemangkin negeri pintar terunggul di Asia Tenggara

**PROJEK** pembangunan bersepadu Selangor Business Capital (SBC) atau Bandar Perniagaan Selangor sejarah dengan cita-cita menjadikan Selangor sebagai negeri pintar terunggul di Asia Tenggara.

Dato' Menteri Besar, Amirudin Shari berkata, SBC ini turut menarik minat beberapa syarikat besar seperti Tencent dan Huawei untuk turut sama melabur dan menjayakannya.

Beliau berkata, antara kelebihan SBC adalah kerana lokasinya yang strategik di antara Cyberjaya, Putrajaya, Lapangan Terbang Antarabangsa Kuala Lumpur (KLIA) dan KLIA 2.

"Pembangunan tersebut akan menggabungkan idea daerah ke-wangan pintar atau smart financial district dan berperanan seumpama sandbox kepada teknologi terbaru yang berupaya menjadi solusi ke-

pada sektor perkhidmatan dan perniagaan untuk menjadi lebih efektif.

"Diangarkan gross development value (nilai pembangunan kasar) atau GDV kepada pembangunan ini sejumlah RM12 bilion.

"Ia turut menyediakan pusat konvensyen dan persidangan bertaraf dunia, hotel bertaraf lima bintang, pusat membeli belah, ruang pejabat dan perniagaan, bangunan-bangunan kediaman beserta pelbagai fasiliti sokongan lain," katanya.

Katanya, Kerajaan Negeri turut memperkenalkan Dasar Kelulusan 100 Hari membabitkan proses memperoleh kebenaran merancang dan urusan pembangunan tanah sebagai tempoh masa maksimum.

Dalam perkembangan sama, Kerajaan Negeri membangunkan kawasan industri Aeroangkasa di satu kawasan seluas 2,000 ekar

yang bakal dimuktamadkan kelak.

Amirudin berkata, Pelan Tindakan Halatuju Selangor Aerospace Cluster 2020-2030 yang dibangunkan bakal memberi impak terhadap pembangunan dan perkembangan industri aeroangkasa.

"Menjelang 2030 sektor ini menjadi pemangkin utama sektor aeroangkasa negara yang menyasarkan penciptaan 32 ribu perkerjaan berpendapatan tinggi dan pendapatan tahunan RM55.2 bilion.

"Sebagai usaha untuk memperkuatkan ekosistem industri aeroangkasa, Kerajaan Negeri menubuhkan Darul Ehsan Aerospace Industry Coordination Office (DAICO) sebuah unit baharu struktur Invest Selangor Berhad yang berperanan menyelaras cadangan projek berkaitan aeroangkasa," katanya.

## Sewa Untuk Milik pastikan pembeli terima manfaat

**KERAJAAN** Negeri bekerjasama dengan Kementerian Perumahan dan Kerajaan Tempatan (KPKT) bagi memastikan pembeli Rumah IDAMAN mendapat manfaat daripada skim Rent-To-Own (RTO) atau Sewa Untuk Milik yang diumumkan Kerajaan Persekutuan.

Dato' Menteri Besar, Amirudin Shari berkata, Bank Simpanan Nasional (BSN) dan Bank Rakyat menyatakan sokongan dengan memperkenalkan produk pembiayaan khusus

Bangi dan Paya Jaras telah bermula dan diluluskan untuk pembinaan serta dijangka siap sepenuhnya dalam masa tiga tahun.

Melalui skim RTO, pembeli akan menyewa bagi tempoh sehingga lima tahun dan selepas se-tahun diberi pilihan untuk membeli rumah berkenaan pada harga yang ditetapkan semasa perjanjian penyewaan ditandatangani iaitu RM250,000.

Objektif utama Rumah Idaman adalah bagi meningkatkan sio-ekonomi rakyat berpendapatan rendah (B40) dan menengah (M40) melalui penciptaan persekitaran hidup kondusif selaras dengan kerangka kerja Wawasan Ke-makmuran Bersama 2030.



membabitkan pinjaman sehingga 110 peratus daripada harga jualan bagi tempoh pinjaman 40 tahun.

Katanya, fasa pelaksanaan Rumah Idaman sebanyak 4,800 unit merangkumi kawasan Kajang,

# RM264.4 juta tingkat infrastruktur

**SEJUMLAH RM178 juta diperuntuk kepada Jabatan Kerja Raya (JKR) bagi pelaksanaan projek-projek jalan raya sepanjang 2020.**

Dato' Menteri Besar, Amirudin Shari berkata, sebanyak 20 projek fizikal siap, 14 projek dalam peringkat pembinaan dan 18 projek dalam peringkat perancangan sehingga 20 September ber 2019.



Senarai projek yang akan dilaksanakan seperti diumumkan adalah:

- RM52.1 juta untuk pelaksanaan kerja sambungan pembinaan jalan baharu
- RM94.75 juta bagi menaik taraf jalan sedia ada
- RM9 juta untuk Kerja Meningkatkan Aspek Keselamatan Jalan-Jalan Daerah, pemasangan lampu isyarat dan lampu jalan
- Tambahan RM2.35 juta untuk Kerja Pembaikan Cerun.
- RM6.7 juta untuk kerja permulaan termasuklah kajian beberapa cadangan projek menaik taraf jalan



Beliau berkata, Kerajaan Negeri memperuntukkan sebanyak RM2 juta bagi menaik taraf kemudahan asas dan kemudahan infrastruktur di pihak berkuasa tempatan (PBT) berstatus Majlis Daerah.

Bagi projek tebatan banjir dan saliran, Jabatan Pengairan dan Saliran (JPS) Negeri Selangor menerima peruntukan sebanyak RM84.4 juta dengan 62 peratus daripada peruntukan yang diperolehi adalah bagi pelaksanaan projek tebatan banjir manakala 32 peratus bagi projek menaik taraf saliran.

Pecahan daripada keseluruhan peruntukan bagi projek yang dilaksanakan adalah:

- Pembangunan Projek Tebatan Banjir RM52.19 juta.
- Menaik taraf Saliran RM26.84 juta.
- Pembangunan Lembangan Sungai RM700,000.
- Pembangunan Sumber Air dan Hidrologi RM960,000.
- Program Pengurusan Saliran Mesra Alam RM600,000.
- Pembangunan Pantai RM1.4 juta.

- Pembangunan Infrastruktur Mekanikal dan Elektrikal RM1.7 juta.

Tiga projek di dalam pelaksanaan yang menerima peruntukan tertinggi adalah:

- Projek Tebatan Banjir di Pandamaran RM5.4 juta.
- Projek Tebatan Banjir di Hilir Sungai Kuang, Mukim Rawang RM7.5 juta.
- Projek Tebatan Banjir di Sungai Labu RM9.5 juta.



Sebanyak RM26.84 juta diperuntuk bagi melaksanakan 11 projek menaik taraf parit utama dan sistem parit dalaman antaranya:

- Daerah Klang - Pekan Meru dan Kampung Jawa, Kampung Bukit Lanchong dan Kampung Sungai Baru (RM16 juta)
- Daerah Petaling (RM4 juta).
- Naik taraf Parit Utama dan Sistem Parit Dalaman di Kampung Seri Aman, Puchong (RM4 juta)



Pengupayaan pelaburan sebagai gerbang rantau Asia Tenggara  
**RM30 JUTA**

## Skim Air Darul Ehsan bermula Mac

**PEMBERIAN** Air Percuma diteruskan tahun depan menerusi Skim Air Darul Ehsan yang akan berkuat kuasa 1 Mac 2020.

Dato' Menteri Besar, Amirudin Shari berkata, program Pemberian 20m<sup>3</sup> Air Percuma untuk 2019 dibayai secara perkongsian kos dengan Air Selangor, sekali gus membolehkan Kerajaan Negeri menggunakan peruntukan bagi pembangunan lain.

Antara kriteria pemohon skim ini adalah warganegara Malaysia yang menetap di Selangor dan berpendapatan bulanan isi rumah di bawah RM4,000.

Pengguna menikmati bekalan air percuma 20 meter padu setiap bulan akan terus menikmati keisytihewatan sehingga 29 Februari 2020.

Pengguna hendaklah membuat permohonan baharu dan tempoh pendaftaran sehingga 31 Disember 2019.

Sekiranya layak, pemohon dapat menikmati bekalan air percuma melalui Skim Air Darul Ehsan bermula 1 Mac 2020.

Permohonan Skim Air Darul Ehsan boleh dibuat secara atas talian melalui laman sesawang www.ssispr.selangor.gov.my

Amirudin berkata, melalui Pelan Induk Sumber, Pembekalan, Permintaan dan Pengagihan Air di Negeri Selangor, Kerajaan Negeri mengenal pasti sumber baru air mentah yang boleh dibangunkan sebagai sumber bekalan air bagi menampung per-



mintaan sehingga 2060.

Berikut adalah beberapa intipati mengenai pengurusan air:

- Air Selangor merancang pelaksanaan penggantian paip sepanjang 150km dengan kos RM124 juta.
- Peruntukan RM116.5 juta disediakan bagi pembangunan bekalan air yang merangkumi antaranya pelaksanaan Projek Labuhan Dagang Fasa 2.
- Kerajaan Negeri melantik perunding membuat kajian terperinci bermula pada 01 Oktober 2019 dan selesai pada 30 September 2020 bagi Pembangunan Loji Rawatan Air Sungai Rasau.
- Air Selangor memperuntukkan RM30 bilion untuk tempoh 30 tahun bermula pada 2019 sehingga 2048 sebagai Perbelanjaan CAPEX.
- Air dari Loji Rawatan Air Langat 2 boleh dimasukkan ke dalam sistem pengagihan Air Selangor mulai 1 Januari 2020.

## RM30 juta upaya pelaburan

**SEBANYAK** RM30 juta diperuntuk untuk aktiviti pengupayaan pelaburan bagi menjadikan Selangor sebagai Paksi Asia Tenggara.

Dato' Menteri Besar, Amirudin Shari berkata, Selangor International Business Summit (SIBS) atau Sidang Kemuncak Perniagaan Antarabangsa Selangor diteruskan tahun depan dengan peruntukan RM11 juta bagi mempromosikan dan mengukuhkan Selangor sebagai hab pelaburan serta perdagangan.

Katanya, sidang kemuncak yang dianjurkan tahun ini berjaya menarik penyertaan sebanyak 787 pempamer dengan jumlah pengunjung 35,000 orang dan potensi transaksi perdagangan bernilai RM450 juta.

Bagi meneruskan misi promosi pelaburan ke luar negara menerusi Invest Selangor, Kerajaan Negeri memperuntukkan RM19 juta.

Katanya, selaras dengan trend perkembangan perindustrian di peringkat global yang sedang beralih kepada Industri 4.0, Kerajaan Negeri terus memberi tumpuan kepada lima sektor industri utama iaitu:

- Elektrik & Elektronik.
- Peralatan Pengangkutan.
- Sains Hayat.
- Industri Makanan dan Minuman.
- Mesin dan Peralatan.



# RM36.8 juta kukuhkan program keusahawanan

“

Yayasan HIJRAH juga turut menubuhkan sebuah koperasi untuk memberi manfaat kepada usahawan-usahawan HIJRAH dengan mewujudkan rantaian perniagaan

**SEJUMLAH RM36.8 juta** diperuntuk bagi memperkuuh dan menambah baik pelaksanaan program keusahawanan Selangor.

Dato' Menteri Besar, Amirudin Shari berkata, fokus utama Kerajaan Negeri adalah memberi kesinambungan pemberdayaan usahawan kecil dan mikro supaya lebih berdaya saing dan bersedia menghadapi cabaran Industri 4.0 serta pasaran global.

Antara usaha yang dirancangkan tahun hadapan adalah:

- Penjenamaan semula kepada program Jelajah Usahawan kepada Mini Ekspo Usahawan Selangor ataupun MEXUS.
- Menubuhkan Majlis Pembangunan Usahawan Negeri Selangor sebagai platform kepada pembangunan menyeluruh usahawan dengan penglibatan beberapa jawatankuasa tetap, agensi Kerajaan Negeri dan Persekutuan.
- Melihat peluang produk yang pengeluaran berskala kecil serta produk 'Homemade' untuk dipasarkan ke pasaran global

Bagi program GROW yang berteraskan konsep bimbingan

'Mentor-Mentee', Kerajaan Negeri berpandangan program ini disusun agar mampu melahirkan lebih ramai usahawan berjaya dalam kalangan kaum India melalui dana RM1 juta.

Dalam pembentangan sama, Amirudin mengumumkan modal tambahan sebanyak RM30 juta kepada Yayasan HIJRAH Selangor (HIJRAH) yang akan menyasarkan 3,000 usahawan baharu pada 2020.

Katanya, HIJRAH menyalurkan jumlah pinjaman RM460 juta kepada seramai 46,352 usahawan dengan bilangan sebanyak 61,196 pinjaman sehingga 31 Ogos 2019.

"Yayasan HIJRAH juga turut menubuhkan sebuah koperasi untuk memberi manfaat kepada usahawan-usahawan HIJRAH dengan mewujudkan rantaian perniagaan.

"Sehingga kini, seramai 11,325 usahawan menjadi ahli dengan dana terkumpul sebanyak RM5.7 juta.

"Antara projek yang dijalankan ialah penjualan trak makanan, pembelian dan penjualan getah beku, penjualan peralatan perniagaan dan pertanian melalui Kohijrah Shop," katanya.

## RM23.59 juta perkasa sektor pertanian



“

Pembangunan ini selaras dengan trend pertanian memfokuskan ke arah Revolusi Pertanian 4.0 yang memberi penekanan kepada aplikasi inovasi, teknologi pertanian seperti penggunaan peralatan berteknologi tinggi, sensori, robotik, Sistem Kedudukan Global (GPS) dan teknologi maklumat (IT)," katanya.

"Pembangunan ini selaras dengan trend pertanian memfokuskan ke arah Revolusi Pertanian 4.0 yang memberi penekanan kepada aplikasi inovasi, teknologi pertanian seperti penggunaan peralatan berteknologi tinggi, sensori, robotik, Sistem Kedudukan Global (GPS) dan teknologi maklumat (IT)," katanya.

Bagi 2020, Kerajaan Negeri meneruskan pemberian insentif kepada petani, nelayan, pesawah dan penternak dengan peruntukan RM11.96 juta.

Sejumlah RM9.15 juta disediakan untuk pengusaha pertanian menerusi pemberian bantuan berbentuk peralatan, input-input pertanian, kerja awalan tanah dan benih-benih tanaman dan ia akan memberi

manfaat kepada 3,000 petani serta pesawah.

Dalam bidang penternakan pula, bantuan berbentuk pemberian induk ternakan, mesin memproses makanan ternakan dan menaiktaraf kandang ternakan serta peralatan pemprosesan produk IAT juga turut disediakan dengan jumlah RM1.91 juta.

Bantuan berbentuk peralatan yang boleh meningkatkan hasil tangkapan seperti sonar pencari ikan, GPS dan jaring ikan akan diberikan kepada nelayan

Sementara RM900,000 diperuntuk untuk bidang akuakultur menerusi bantuan peralatan untuk penternakan ikan seperti tangki, pam boleh tenggelam, pengayuh dan benih ikan.

## Infrastruktur fiberisasi dilaksana berperingkat

**PELAKSANAAN** liputan infrastruktur fiberisasi di seluruh Selangor dilaksanakan secara berperingkat dalam masa tiga tahun bermula dari suku keempat 2019 sehingga akhir Disember 2021.

Dato' Menteri Besar, Amirudin Shari berkata, hasil daripada pembinaan infrastruktur digital di bawah Pelan Gentian Optik dan Kesalinghubungan Negara (NFCP) akan membolehkan rakyat Selangor mendapat akses kepada perkhidmatan jalur lebar lebih berkualiti dan seterusnya dapat merebut peluang dalam ekonomi digital.

Katanya, pelaksanaan NFCP di Negeri Selangor adalah amat penting bagi menjana pertumbuhan ekonomi negeri dengan jalur lebar minimum adalah 30 Mbps dan boleh mencapai 1 Gbps.

Beliau berkata, dijangkakan 70 peratus kawasan sekolah, hospital, perpustakaan, balai polis dan pejabat pos di Selangor juga akan dihubungkan dengan rangkaian gentian optik menjelang 2022.

"Ketersediaan kelajuan Gigabit di kawasan perindustrian terpilih menjelang 2020. Antara yang akan menerima manfaat ini ialah Kawasan Perindustrian Bukit Jelutong, Kawasan Perindustrian Bukit Beruntung dan Techno Industrial Park, Klang," katanya.

## #Selangor2020 STRATEGI 2 PENDIDIKAN

# RM334.15 juta perkasa agenda pendidikan

HAMPIR 14 peratus Belanjawan #Selangor2020 memfokuskan sektor pendidikan berbanding 11 peratus pada Belanjawan 2019, kata Dato' Menteri Besar, Amirudin Shari.

Katanya, Kerajaan Negeri memperuntukkan sebanyak RM334.15 juta bagi merencana agenda pendidikan unggul.

"Ini menunjukkan komitmen Kerajaan Negeri terhadap agenda pendidikan rakyat Selangor. Rakyat berilmu, berhikmah dan berintegriti adalah sumber kekuatan kepada negeri ini, golongan ini akan menjana Selangor menjadi negeri terunggul.

"Kerana itu kita menumpukan usaha yang besar untuk memastikan akses pendidikan kepada segenap lapisan masyarakat," katanya.

Antara yang akan difokuskan ialah :

- RM10 juta buat Program Tuisyen Rakyat Selangor (PTRS) melalui pendanaan khusus oleh Pemerbadanan Menteri Besar Selangor dan Kumpulan Perangsang Selangor.

- RM3 juta diperuntukkan untuk Skim Bantuan Tadika Selangor (TUNAS) yang akan memberi manfaat kepada 5,000 penerima.

- RM4 juta diperuntukkan bagi Program Selangor BITARA khusus buat rakyat Selangor melanjutkan pengajian Doktor Falsafah (PhD) di universiti terkemuka luar negara serta tajaan kepada pelajar tingkatan empat yang cemerlang.


- RM1 juta geran penyelidikan melalui Majlis Konsultasi Akademia-Industri Selangor yang melibatkan naib-naib canselor atau presiden universiti seluruh Selangor.

- RM20 juta bagi pelaksanaan Program Inisiatif Kemahiran Teknikal dan Ikhtisas Smart Selangor (IKTISASS).

- RM1 juta bagi Penganjuran Konvensyen Mahasiswa Selangor di Timur Tengah dan Indonesia dan Program Bakti Siswa Negeri Selangor dan Program Pembangunan Mahasiswa Negeri Selangor.

- RM3 juta bagi pelaksanaan Penyelidikan, Pembangunan dan Inovasi Selangor dengan fokus baru termasuk penyertaan universiti tersohor serantau seperti Mahidol University, Universitas Indonesia, Institut Teknologi Bandung dan National University of Singapore (NUS).

Ini menunjukkan komitmen Kerajaan Negeri terhadap agenda pendidikan rakyat Selangor. Rakyat berilmu, berhikmah dan berintegriti adalah sumber kekuatan kepada negeri ini, golongan ini akan menjana Selangor menjadi negeri terunggul



# Program pendidikan Islam terima RM237.89 juta

SEBANYAK RM237.89 juta diperuntuk bagi program pendidikan Islam menerusi Belanjawan #Selangor2020, kata Dato' Menteri Besar, Amirudin Shari.

Katanya, usaha Kerajaan Negeri untuk menyemarakkan pendidikan Islam adalah berdasarkan keinginan untuk membangunkan jiwa-jiwa soleh yang mampu memimpin umur atau tamadun.

"Pendidikan Islam seharusnya bagaikan hujan lebat yang menyuburkan tanah buat kita bercucuk tanam bukannya api besar yang membakar hangus manusia dan bumi ini," katanya.

Empat institusi pendidikan maa-had tahfiz di negeri ini menerima sebanyak RM37.18 juta untuk tujuan pembangunan.

Katanya, daripada jumlah itu RM4 juta buat Sekolah Rendah Agama (SRA) Denai Alam, manakala SRA Bandar Country Homes pula menerima RM6 juta.

"Sementara itu, Maahad Integrasi Tahfiz Sains dan Teknologi Istana

Bandar menerima peruntukan RM8 juta serta Maahad Integrasi Tahfiz Sains dan Teknologi Kampung Pandan memperoleh RM8.03 juta," katanya.

- RM199.82 juta buat pembayaran gaji guru Kelas al-Quran dan Fardu Ain serta kakitangan kontrak dalam sektor pendidikan di bawah Jabatan Agama Islam Selangor.
- RM1.9 juta program Fast Track Sijil Pelajaran Malaysia Hufaz.
- RM37.18 juta pembangunan institusi maahad tahfiz.

“

Pendidikan Islam seharusnya bagaikan hujan lebat yang menyuburkan tanah buat kita bercucuk tanam bukannya api besar yang membakar hangus manusia dan bumi ini

## Ekspo Penyelidikan, Pembangunan dan Inovasi Selangor

**RM3 JUTA**

## RM16.6 juta buat tabung basiswa Selangor

PEMBIAYAAN pendidikan melalui Tabung Kumpulan Wang Biasiswa Negeri Selangor menerima peruntukan RM16.6 juta menerusi Belanjawan #Selangor2020.

Dato' Menteri Besar, Amirudin Shari berkata, bagi tujuan itu, tujuh program yang akan difokuskan ialah merangkumi pembiayaan pendidikan bagi peringkat siswazah dan pascasiswazah di dalam dan luar negara.

Sementara itu, katanya, RM26 juta pula diperuntukkan bagi Bantuan Sekolah Negeri Selangor khusus untuk penambahbaikan infrastruktur sekolah.

"Ia termasuk bagi sekolah agama rakyat, sekolah jenis kebangsaan (SJK) Cina, SJK Tamil dan sekolah mualih serta sekolah menengah jenis kebangsaan," katanya.

Amirudin berkata, Kerajaan Negeri turut memperuntukkan RM2.45 juta buat Hadiah Pengajian Institut Pengajian Tinggi atau lebih dikenali dengan Hadiah Masuk Universiti.

"Syarat kelayakan untuk memohon ialah pendapatan minimum isi rumah ialah RM5,000 ke bawah. Ini berasaskan tekad Kerajaan Negeri supaya lebih ramai pelajar dan keluarga yang akan menerima manfaat dari hasil Kerajaan Negeri."

"Sehingga kini seramai 71,446 mahasiswa telah menerima manfaat dari program berkennaan," katanya.



## Tabung Kumpulan Wang Biasiswa Negeri Selangor

**RM16.6 JUTA**

“

Syarat kelayakan untuk memohon ialah pendapatan minimum isi rumah ialah RM5,000 ke bawah. Ini berasaskan tekad Kerajaan Negeri supaya lebih ramai pelajar dan keluarga yang akan menerima manfaat dari hasil Kerajaan Negeri

## #Selangor2020 ALBUM




Selangor negeri unggul  
kehidupan bermartabat

**Belanjawan  
Selangor 2020**



- 1 Pembentangan Belanjawan Selangor 2020 di Dewan Negeri
- 2 Dato' Menteri Besar, Amirudin Shari
- 3 Sidang media selepas pembentangan
- 4 Wakil-wakil pembangkang sedang berdoa
- 5 Speaker Ng Suee Lim dan Timbalannya Dr Daroyah Alwi
- 6 Dokumen Belanjawan Selangor 2020
- 7 Kakitangan anak syarikat Kerajaan Negeri di Dewan Negeri Selangor
- 8 & 9 Mengikuti siaran langsung pembentangan menerusi TVSelangor dan telefon bimbit



# Kesihatan rakyat diutamakan

**KERAJAAN** Negeri akan meneruskan program Skim Peduli Sihat dengan menambah 20,000 lagi penerima menjadikan 85,000 rakyat Selangor menerima manfaat pada tahun depan.

Dato' Menteri Besar, Amirudin Shari berkata, sebanyak RM42.5 juta diperuntuk dalam program skim itu sebagai usaha kerajaan yang mahu rakyat menikmati kualiti kehidupan lebih baik.

"Dasar kesihatan menyeluruh dan berdaya saing terus memacu perkembangan ekonomi dan memastikan rak-

yat terus menikmati kualiti kehidupan yang lebih baik.

"Justeru, dalam merealisasikan impian ini, Kerajaan Negeri akan meneruskan program Skim Peduli Sihat," katanya.

Pada masa sama, Amirudin berkata, sejumlah RM5 juta diperuntuk bagi memerangi wabak denggi termasuk aktiviti pencegahan dan kawalan di seluruh negeri.

Antara strategi mewujudkan Selangor yang selamat, sihat dan sejahtera, Kerajaan Negeri turut memperun-



## Skim Peduli Sihat

**RM42.5 JUTA**

tukkan RM2 juta kepada 3,750 pesakit tibi yang berpendapatan isi rumah kurang RM1,000 untuk mendapatkan rawatan selama enam bulan.

"Program ini merupakan program julung kali diadakan di Malaysia bagi menunjukkan kesungguhan Kerajaan Negeri mengurangkan kes penyakit tibi atau Tuberculosis di negeri itu.

Antara manfaat lain:

- RM1.5 juta diperuntuk bagi aktiviti gaya hidup sihat
- RM1 juta diperuntuk bagi mengatasi dan membendung masalah pesakit mental menerusi program kesedaran serta pencegahan

## 5,000 CCTV teknologi pengimbas wajah

**KERAJAAN** Negeri akan menambah jumlah kamera litar tertutup (CCTV) kepada 5,000 unit di seluruh Selangor bagi mewujudkan negeri yang selamat didiami oleh rakyat.

Dato' Menteri Besar, Amirudin Shari berkata, CCTV itu akan dilengkapi teknologi pengimbas wajah (face recognition) dan akan diselia dari pusat kawalan yang diwujudkan bertujuan untuk menyelaras data bagi tujuan keselamatan.

"Pemasangan CCTV adalah salah satu elemen dalam Program Bandar Selamat yang diperkenalkan PLAN-Malaysia pada 2004."

"Bagi memastikan sistem CCTV sedia ada mengikut keperluan semasa dengan teknologi terkini, Kerajaan Negeri akan menambah baik spesifikasi CCTV melalui kaedah 'technology refreshment'.

"Kita juga akan mengkaji semula lokasi sedia ada dengan mengambil kira pandangan daripada pihak berkuasa seperti polis," katanya.

Terdahulu, sehingga Oktober 2019, sebanyak 775 unit CCTV dipasang di seluruh Selangor.

Selain itu, Amirudin berkata, Kerajaan Negeri akan melaksanakan inisiatif penyerapan skim Penguatkuasa Pihak Berkuasa Tempatan (PBT) kepada Skim Polis Bantuan mulai 2020.



Sebagai inisiatif perintis, katanya, usaha itu akan membabitkan 180 anggota dari sembilan PBT yang akan dikenal pasti di dua Majlis Bandaraya, enam Majlis Perbandaran dan satu Majlis Daerah.

"Sebanyak RM2 juta akan disediakan oleh PBT berkenaan untuk melaksanakan penaiktarafan Skim Penguat kuasa kepada Skim Polis Bantuan," katanya.

Antara manfaat keselamatan lain:

- RM2 juta diperuntukkan sebagai geran komuniti untuk meningkatkan aspek keselamatan serta memberikan kesedaran kepada komuniti setempat mengenai kepentingan mewujudkan suasana tempat tinggal yang selamat, aman dan harmoni.

- RM300,000 bagi program Nadi Desa yang akan dilaksanakan berkonsepkan Latihan – Teori, Pemahaman, Latihan Dalam Kumpulan (LDK), Pembentangan dan Tugasan Kerja Kursus.

## Caj RM1 Bas Smart Selangor warga asing

**KERAJAAN** Negeri akan memperkenalkan caj bayaran perkhidmatan Bas Smart Selangor sebanyak RM1 kepada warga asing yang menaiki bas berkenaan.

Manakala, bagi warganegara Malaysia, ia kekal percuma.

Dato' Menteri Besar, Amirudin Shari berkata, pihak Smart Selangor Delivery Unit akan menyediakan sistem 'Tap To Ride' pada semua Bas Smart Selangor bagi membolehkan warganegara menggunakan Kad Pengenalan untuk menaiki bas tersebut.

Katanya, kutipan bayaran caj perkhidmatan itu akan digunakan bagi selenggaraan bas serta menambah jumlah bas serta laluan Bas Smart Selangor.

"Bas Smart Selangor kini mempunyai 41

laluan di 11 kawasan Pihak Berkuasa Tempatan (PBT) dengan 130 bas mendapat sokongan padu dalam kalangan rakyat.

"Jumlah penumpang bagi tempoh sehingga 31 Ogos tahun ini adalah sebanyak 38 juta orang, memberikan jaminan serta komitmen untuk Kerajaan Negeri mengekalkan kelangsungan perkhidmatan ini dengan peruntukan sejumlah RM30 juta pada 2020," kata dia.

Pada masa sama, Amirudin berkata, PBT juga perlu mengambil pendekatan untuk menilai laluan Bas Smart Selangor agar lebih terhubung dengan jajaran dan stesen pengangkutan awam seperti perkhidmatan Aliran Transit Ringan (LRT), Transit Aliran Massa (MRT) yang baharu atau sedang dalam pembinaan.

## RM1,200 sebulan untuk Ketua Komuniti India

**KERAJAAN** Negeri memperuntuk elaun RM1,200 sebulan kepada Ketua Komuniti India bermula Januari 2020.

Dato' Menteri Besar, Amirudin Shari berkata, pemberian elaun berkenaan selepas melihat



bebanan tugas, kos sara hidup yang semakin meningkat serta cabaran yang semakin rumit dihadapi Ketua Komuniti kaum India di kawasan komuniti masing-masing.

"Ketua ini adalah salah satu jentera pentadbiran negeri di peringkat akar umbi untuk membantu menyalurkan, menyampaikan hasrat dan maklumat serta cadangan bagi permasalahan yang timbul di sebuah kawasan mempunyai komuniti India."

"Justeru itu, melihat daripada aspek bebanan tugas dan kos sara hidup, Kerajaan Negeri memperuntuk RM700,000 bagi 2020," katanya.

Amirudin berkata, Kerajaan Negeri meletakkan harapan yang tinggi supaya setiap Ketua Komuniti kaum India dapat memberi kualiti perkhidmatan yang terbaik, cekap dan bertanggungjawab.

# Solar di bangunan kerajaan, PBT

PEMBANGUNAN teknologi hijau diberi perhatian khusus bagi memastikan Selangor berjaya mencapai pembangunan mampan secara menyeluruh.

Dato' Menteri Besar, Amirudin Shari berkata, bermula 2020, Kerajaan Negeri bercadang melaksanakan pemasangan solar di bangunan Kerajaan Selangor.

"Baru-baru ini kita dikejutkan dengan gelombang Greta Thunberg yang menjana pergerakan menuntut keprihatinan terhadap isu pemanasan global.

"Greta menjadi perhatian kerana anak gadis ini

baru berusia 16 tahun dan mesej beliau yang jelas dan kerap agak garang, pastinya Greta bukanlah sosok terawal yang menuiklkan perihal pemansangan global.

"Namun, anak muda ini kini menjadi suri tauladan kepada kita untuk bersikap serius terhadap permasalahan alam sekitar demi generasi masa hadapan," katanya.

Justeru, Amirudin berkata, Kerajaan Negeri juga menggalakkan semua Pihak Berkuasa Tempatan (PBT) memperluaskan pemasangan panel solar di bangunan dan kawasan seliaannya.



## Pemasangan panel solar di semua PBT

RM6.85 juta urus sisa, sampah pukal

PENGURUSAN sisa pepejal dan sampah pukal strata menerima peruntukan RM6.85 juta bagi tahun 2020.

Dato' Menteri Besar, Amirudin Shari berkata, hal itu bagi membantu Pihak Berkuasa Tempatan (PBT) yang tidak memiliki dana mencukupi dapat menyelesaikan masalah berkenaan.

Katanya, purata jumlah tan sampah dikutip adalah kira-kira 7,000 tan sehari membabitkan 500 tan di kawasan kampung dengan anggaran penduduk luar bandar seramai 2.2 juta orang.

"Dalam konteks pengurusan sisa pepejal domestik di kawasan kampung, isu longgokan sampah yang tidak terkawal serta pembuangan sampah oleh pihak luar yang tidak bertanggungjawab merupakan cabaran kepada Kerajaan Negeri.

"Tanpa mengenepikan faktor migrasi bandar dan limpahan pembangunan ke kawasan luar bandar, sudah pasti jumlah sampah ini akan terus meningkat," katanya.

Pada masa sama, Amirudin berkata Kerajaan Negeri amat prihatin dan sentiasa komited dalam memastikan setiap perancangan dan pembangunan yang dilaksanakan secara holistik bagi mewujudkan persekitaran kehidupan berkualiti dan pembentukkan masyarakat yang sejahtera.

"Kerajaan Negeri memberi fokus kepada perwujudan Pusat Kitar Semula

yang komprehensif di semua PBT selaras dengan konsep Ekonomi Kitaran atau Circular Economy iaitu Waste to Wealth.

"Justeru, bagi menjayakan hasrat itu, pada 2020 Kerajaan Negeri akan memperuntuk sebanyak RM600 ribu bagi mewujudkan Pusat Kitar Semula yang komprehensif di semua PBT," katanya.

Antara lain:

- Kerajaan Negeri memperuntuk RM500,000 bagi pelbagai program konservasi sungai termasuk program Sahabat Sungai.
- RM500,000 sebagai projek perintis kitar semula yang akan membabitkan beberapa buah kampung terpilih.

- RM1.5 juta melalui Pihak Berkuasa Tempatan akan mewujudkan kesukarelawanan hijau dalam kalangan komuniti setempat bagi melaksanakan program-program secara berkala bagi tujuan menghijaukan alam sekitar, mengindahkan landskap, menjaga kebersihan kawasan sekitar dan memastikan kawasan masing-masing bebas dari pembakaran terbuka dan pencemaran.

- Sasaran 21 Sahabat Sungai diwujudkan dengan kerjasama pelbagai pihak pada 2020.

## Taman Rakyat Selangor RM40 JUTA

### Realisasi rumah taman dalam bandar

KERAJAAN Negeri merealisasikan model jaringan hijau dengan mewujudkan konsep perumahan taman dalam bandar, tahun depan.

Dato' Menteri Besar, Amirudin Shari berkata, sejumlah RM40 juta diperuntuk bagi projek perintis pembangunan Taman Rakyat Selangor itu oleh Majlis Bandaraya Shah Alam (MBSA).

"Perancangan pembangunan Taman Rakyat itu dimulakan pada 2020 tetapi pembangunan fizikal bermula pada 2021 di bawah Rancangan Malaysia ke-12 (RMK-12).

"Usaha sama Pihak Berkuasa Tempatan (PBT) ini adalah salah satu inisiatif meningkatkan jumlah kawasan lapang dan hijau bagi tujuan rekreasi santai yang dekat dengan tempat tinggal selaras dengan garis panduan ditetapkan PlanMalaysia," katanya.

Amirudin berkata, RM162,950 turut diperuntuk bagi pembiayaan kajian reka bentuk dan model jaringan hijau bagi kawasan zon 1 yang dimulakan pada 2019 dan akan disempurnakan pada 2021.

"Untuk 2020, Kerajaan Negeri memperuntukkan RM500 ribu bagi program Tanam Pokok Dalam Bandar dan menasarkan untuk menanam 5,000 pokok di sekitar bandar utama.

"Ia sejajar dengan kerangka Low Carbon City Framework (LCCF) dan elemen

Untuk 2020,  
Kerajaan Negeri  
memperuntukkan  
RM500 ribu bagi  
program Tanam Pokok  
Dalam Bandar dan  
menasarkan untuk  
menanam 5,000  
pokok di sekitar  
bandar utama

penghijauan kawasan dalam taman, Selangor dalam usaha mencapai pengurangan karbon dioksida CO<sub>2</sub> sebanyak 40 peratus menjelang 2030," katanya.

Beliau berkata, komitmen Kerajaan Negeri dalam melaksanakan polisi Low Carbon City menerima pengiktirafan apabila Pejabat Setiausaha Kerajaan Negeri Selangor menerima anugerah Diamond Recognition, Low Carbon Cities Award.



## Pengurusan Sisa Pepejal Kawasan Desa RM6.85 JUTA

## #Selangor2020 STRATEGI 5: SOSIAL

# RM800,000 anjur Job Fair 2020

**SEJUMLAH RM800,000** diperuntuk bagi membiayai festival 'Job Fair' pada 2020 bertujuan mengurangkan kadar pengangguran di Selangor.

Dato' Menteri Besar, Amirudin Shari berkata, peruntukan itu disediakan berikutnya kejayaan Program Selangor Mega Job Fair 2019.

"Program Selangor Mega Job Fair 2019 adalah program pertama kali berskala mega membabitkan 180 syarikat swasta terpilih dan 20 agensi/jabatan kerajaan dalam program ini.

"Daripada jumlah itu, lebih 12,000 peluang ditawarkan dan 20 majikan menawarkan peluang pekerjaan kepada golongan Orang Kelain-

an Upaya pada hari tersebut," katanya.

Beliau berkata demikian ketika membentangkan Belanjawan #Selangor2020 di Dewan Negeri Selangor di sini.

Amirudin berkata, program itu dilaksanakan pada 16 Mac lalu dan hampir 20,000 pengunjung mendapat manfaat melalui acara berkenaan.

Katanya, program itu bukan sahaja membantu mengurangkan kadar pengangguran di negeri ini malah juga membantu syarikat memerlukan tenaga kerja khususnya di tahap kritis dengan mendahuluikan penglibatan dalam kalangan warga tempatan.



## FAS terima RM10 juta harungi musim 2020

**PERSATUAN** Bolasepak Selangor (FAS) menerima peruntukan RM10 juta bagi memperkuatkan cabaran Selangor dalam sukan bola sepak bagi musim 2020.

Dato' Menteri Besar, Amirudin Shari berkata, peruntukan itu juga sebagai tanda sokongan padu Kerajaan Negeri terhadap kepimpinan Duli Yang Teramat Mulia Raja Muda Selangor, Tengku Amir Shah sebagai Presiden FAS dalam misi mengembalikan kegemilangan dan kejayaan pasukan Red Giants.

"Menjelang 2020, penstrukturkan semula pasukan bola sepak PKNS dan Selangor FA akan dilaksanakan untuk memperkuatkan Merah Kuning."

"Kerajaan Negeri memperuntukkan RM10 juta sebagai dana permulaan untuk pasukan Selangor bagi 2020," katanya.

Selain itu, Kerajaan Negeri turut memperuntukkan RM9.24 juta khusus untuk aspek pembangunan sukan dan menaik taraf infrastruktur sukan pada 2020.

Katanya, keutamaan diberikan kepada aspek pembangunan sukan dengan jumlah peruntukan RM7 juta.

"Selangor merangkul gelaran juara semasa Sukan Malaysia (SUKMA) XVIII Sarawak 2016 dengan kutipan pingat



61 emas, 71 perak dan 63 gangsa.

"Peruntukan ini digunakan sepenuhnya sebagai persiapan menjelang SUKMA 2020 sekali gus Selangor meletakkan matlamat merampas takhta sebagai juara keseluruhan," katanya.

Manakala RM2.24 juta lagi untuk projek membaik pulih dan menaik taraf infrastruktur sukan bagi kegunaan masyarakat setempat sebagai tempat menjalankan aktiviti kesukanan ke arah melahirkan masyarakat sihat, aktif serta berdaya saing.

Amirudin turut mengumumkan peruntukan RM5.26 juta bagi memperkasakan generasi muda dan Penggerak Belia Tempatan dengan merangka serta menjalankan inisiatif terutama berbentuk program berdasarkan kriteria 10 teras utama Dasar Belia Selangor.

66

Peruntukan ini digunakan sepenuhnya sebagai persiapan menjelang SUKMA 2020 sekali gus Selangor meletakkan matlamat merampas takhta sebagai juara keseluruhan

## Peruntukan KISS ditambah RM12 juta

**PERUNTUKAN** bagi program Kasih Ibu Smart Selangor (KISS) ditambah RM12 juta lagi menjadikan jumlah keseluruhan bagi 2020 berjumlah RM62 juta.

Dato' Menteri Besar, Amirudin Shari berkata, pertambahan itu berikutan keputusan Kerajaan Negeri menambah 5,000 penerima, sekali gus menjadi jumlah keseluruhan seramai 25,000 untuk tahun depan.

"Sejak diperkenalkan pada 2017, inisiatif KISS memberi manfaat kepada hampir 50,000 wanita setiap tahun dan inisiatif ini berjaya dalam memberdaya kaum wanita sebagai tonggak keluarga.

"Kerajaan Negeri sentiasa mengambil berat dan menghargai peranan positif golongan wanita dalam pembangunan negeri khususnya institusi keluarga berkualiti dalam melahirkan masyarakat yang se-



jahtera," katanya.

Sementara itu, Kerajaan Negeri turut memperuntukkan RM200 juta bagi menjayakan projek Bekerja Dari Rumah dengan mensasarkan penerima KISS yang tidak bekerja, ibu tunggal dan wanita dari keluarga kurang berkemampuan.

Selain itu, RM500,000 turut

diperuntukkan bagi membiayai 100 pelajar pengambilan pertama Akademi Kepimpinan Wanita Selangor di bawah program Pusat Wanita Berdaya.

Langkah ini diambil bagi membolehkan 100 pelajar kelompok pertama pengambilan akademi dapat bergraduasi menjelang akhir 2020.

# Tumpuan khas warga istimewa

**GOLONGAN** Orang Kelainan Upaya (OKU) khasnya Anak-Anak Istimewa Selangor (AnIS) terus mendapat perhatian Kerajaan Negeri apabila RM3 juta diperuntukkan dalam Belanjawan #Selangor2020 kali ini.

Dato' Menteri Besar, Amirudin Shari berkata, bagi tahun depan, Bantuan Khas AnIS diteruskan dengan peruntukan RM500,000 untuk meringankan tanggungan kos saringan, terapi pemulihan, pembelian peralatan dan keperluan khas anak-anak OKU yang ditanggung ibu bapa atau penjaga.

"Manakala subsidi Yuran Pendidikan Anak-Anak Istimewa Selangor (Didik AnIS) juga diteruskan dengan peruntukan RM1 juta melalui pem-

berian RM200 sebulan bersamaan dengan RM2,400 setahun kepada setiap seorang anak istimewa Selangor yang menuntut di pusat intervensi di Selangor yang memenuhi panduan dan syarat digariskan Majlis Tindakan OKU Selangor (MTOS)," katanya.

Beliau berkata demikian ketika membentangkan Belanjawan #Selangor2020 di Dewan Negeri Selangor di sini.

Amirudin berkata, RM500,000 lagi diperuntuk untuk membayai kursus latihan pengasuhan anak-anak Istimewa di taska biasa (Cikgu AnIS) sebagai inisiatif dan sokongan Kerajaan Negeri.

"Sehingga kini, 736 Cikgu AnIS telah mengikuti latihan ini

dan 368 taska telah mempunyai guru-guru AnIS terlatih manakala 256 Anak-anak istimewa telahpun didaftarkan di bawah jagaan taska terababit," katanya.

Bagi memastikan kesemua program inisiatif OKU ini berjalan lancar, Kerajaan Negeri berhasrat untuk menubuhkan Yayasan Anak Istimewa Selangor (YAnIS) dengan suntikan peruntukan RM1 juta.

"Penubuhan yayasan ini dapat membantu Kerajaan Negeri mengendalikan keperluan semasa seperti pengurusan operasi, pencarian dana dan latihan kemahiran yang diperlukan dalam merealisasikan program pemberdayaan OKU di Selangor," katanya.



**Dasar Mesra OKU**  
**RM3 JUTA**

## Nikmati manfaat skim

**SEJUMLAH** RM20 juta diperuntukkan untuk Program Jom Shopping Warga Emas untuk dinikmati lebih 200,000 warga emas yang mendaftar dalam Skim Mesra Usia Emas.

Dato' Menteri Besar, Amirudin Shari berkata, program itu dirangka khusus bagi memberdaya golongan berkaitan serta meringankan beban kewangan mereka menjelang musim per-

ayaan.

"Program ini adalah yang pertama seumpamanya di Malaysia," katanya.

Kerajaan Negeri turut memperuntukkan RM100,000 untuk Geran Pernjagaan Warga Emas (GEMAS) dalam kalangan keluarga golongan B40 sebagai subsidi pembayaran penjagaan mereka di bawah mana-mana pusat jagaan warga emas yang

“  
Program ini adalah yang pertama seumpamanya di Malaysia

Selaras dan pantau program pembangunan



**Kebajikan Orang Asal**

**RM 500,000**



**Program Mesra Warga Emas**  
**RM20 JUTA**

berdaftar di bawah Jabatan Kebajikan Masyarakat.

Sebanyak RM50,000 lagi untuk menyediakan Geran Suka-relawan Warga Emas (GESEMAS) bagi memberi galakan kepada golongan warga emas terababit terus menyumbang.

"Sebagai projek rintis, GESEMAS ini akan bekerjasama dengan Pusat Pemulihan Dalam Komuniti (PDK) di mana mereka boleh bersama-sama membangunkan pendidikan anak-anak istimewa di setiap PDK dalam Negeri Selangor," katanya.

**JAWATANKUASA** Tetap Hal Ehwal Orang Asal akan diwujudkan bagi menyelaras dan memantau projek dan program berkaitan orang Asal di Selangor.

Dato' Menteri Besar, Amirudin Shari berkata, sejumlah RM500,000 diperuntuk bagi pembangunan modal insan dan kebajikan seperti membaik pulih rumah, melaksanakan program pembangunan infrastruktur serta peningka-

tan kesihatan dan ekonomi mereka.

"Kerajaan Negeri Selangor akan memastikan usaha pembangunan dilaksanakan secara seimbang dan menyeluruh termasuk di kawasan luar bandar dan di perkampungan orang Asal," katanya.

Kerajaan Negeri turut meruskan Biasiswa Sagong Tasi untuk anak orang Asal di sekolah menengah yang memepati kriteria ditetapkan.

# 6,379 Rumah Selangorku dibangun pada 2020

**SEBANYAK** 6,379 unit Rumah Selangorku akan dibina menerusi 19 projek perumahan khusus buat rakyat Selangor pada 2020.

Dato' Menteri Besar, Amirudin Shari berkata, pembinaan itu sejajar dengan sasaran Kerajaan Negeri menyiapkan 22,664 unit Rumah Selangorku menjelang 2023.

"Sehingga 31 Ogos lalu, sebanyak 112,852 unit (262 projek) Rumah Selangorku diluluskan Kerajaan Negeri di mana 10 peratus iaitu 11,555 unit (25 projek) dibangunkan agensi/anak syarikat Kerajaan Negeri manakala baki 90 peratus iaitu 101,297 unit (216 projek) dibangunkan pemaju swasta," katanya.

Beliau berkata demikian ketika membentangkan Belanjawan #Selangor2020 di Dewan Negeri Selangor di sini. Selain itu, Kerajaan Negeri juga membeli 100 unit Rumah Selangorku berharga RM200,000 dengan implikasi kewangan RM20 juta bagi merancakkan pelaksanaan Skim Smart Sewa.

Amirudin berkata, langkah ini merupakan inisiatif berterusan Kerajaan Negeri bagi menangani kemelut pembeli rumah yang berdepan dengan masalah pembiayaan akhir di mana kadar permohonan pinjaman perumahan ditolak bank tempatan semakin meningkat.

Sementara itu, Skim CE-

RIA dengan peruntukan RM10 juta juga diteruskan pada 2020 bagi menampung kos pembaiakan kemudahan asas seperti tangki air, lif serta bumbung sememangnya melibatkan kos yang tinggi.

Amirudin berkata, skim berkaitan dijalankan dengan konsep perkongsian kos antara Kerajaan Negeri dan Badan Pengurusan Bersama.

"Kerajaan Negeri berbesar hati meneruskan bantuan ini sebagai tanda penghargaan kepada Badan Pengurusan Bersama (JMB) atau Perbadanan Pengurusan (MC) yang cemerlang ke arah membentuk sebuah pengurusan komuniti yang berdikari serta berdaya saing," katanya.



## RM5 juta bantu miskin bandar

**PROGRAM** Bank Makanan Selangor dilaksanakan di kawasan Projek Perumahan Rakyat (PPR) bermula 2020 dengan mengkhususkan bantuan kepada keluarga dari miskin bandar.

Dato' Menteri Besar, Amirudin Shari berkata, dana permulaan RM5 juta akan dilancarkan bagi membantu golongan miskin bandar di Selangor.

"Program ini akan memberi manfaat kepada hampir 2,000 keluarga di seluruh negeri dan akan dilaksanakan dengan kerjasama Penggerak Belia Tempatan (PeBT), sukarelawan Team Selangor, Pejabat Khidmat Masyarakat DUN serta pejabat parlimen," katanya.

Bagi program miskin bandar atau Blueprint Pembasmian Kemiskinan menerima RM2.5 juta, Amirudin berkata, peruntukan bertambah RM500,000 berbanding tahun lalu.

Beliau berkata, program itu dapat meningkatkan taraf ekonomi individu yang berpendapatan bawah RM1,500 sebulan atau pendapatan seisi rumah bawah RM3,000 terutama melibatkan peniaga kecil.



### Program Food Bank Selangor

# RM5 JUTA

Katanya, pemberian bantuan berbentuk peralatan atau mesin berdasarkan perusahaan yang sedang dijalankan dan hanya diberi kepada pemohon berkelayakan sahaja.

"Kesinambungan ini dilakukan bagi memberdayakan warga miskin bandar, dan sebagai tanda kedulian serta kepri-

hatinan berterusan dalam membantu meringankan bebanan rakyat miskin dalam menghadapi tekanan ekonomi yang tidak menentu.

"Kerajaan Negeri sentiasa mempelbagaikan inisiatif dalam mengupayakan rakyat untuk keluar daripada kitaran kemiskinan," katanya.

## Subsidi ambil lesen motosikal anak muda



### Inisiatif Roda Darul Ehsan (RiDE)

# RM1 JUTA

**KERAJAAN** Selangor akan menyediakan subsidi RM350 kepada golongan belia yang mahu mengambil lesen motosikal menerusi Inisiatif Roda Darul Ehsan (RiDE) yang diumumkan pada Belanjawan #Selangor2020.

Dato' Menteri Besar, Amirudin Shari berkata, melalui insiatif itu, RM1 juta diperuntuk sekali gus akan memberi manfaat kepada hampir 3,000 anak muda seluruh Selangor teru-

tamanya golongan miskin bandar.

"Pelaksanaan RiDE diwujudkan kerana Kerajaan Negeri peka dan prihatin dengan trend "gig economy" yang semakin meluas di Malaysia."

"Program ini akan dilaksanaan Majlis Sukan Negeri Selangor, dan kita berharap supaya dengan adanya lesen motosikal ini, mereka dapat melibatkan diri dalam sektor perkhidmatan dan logistik," katanya.

# RM5 juta bina Kampung Budaya Selangor di Sungai Klang

**KAMPUNG** Budaya Selangor bakal dibina di bandar Klang dengan peruntukan RM5 juta menerusi Belanjawan #Selangor2020.

Dato' Menteri Besar, Amirudin Shari berkata, setakat ini tanah seluas 14 hektar di tengah bandar Klang telah dikenal pasti sekali gus dijangka menjadi pusat rujukan kepada sejarah, kebudayaan dan tradisi etnik-etnik lain di negeri ini.

"Dengan inisiatif ini, kita percaya mampu meningkatkan el-

emen tarikan kepada projek Selangor Maritime Gateway (SMG)," katanya ketika membentangkan Belanjawan #Selangor 2020 di sini.

Sementara itu, Dana Kota Seni Selangor akan dikembangkan kepada dua lagi Pihak Berkuasa Tempatan (PBT) iaitu Hulu Selangor dan Klang dengan peruntukan RM 1 juta.

"Saya juga menyeru supaya semua PBT dapat memperuntukkan sejumlah dana untuk memajukan sektor ekonomi

kreatif di kawasan masing-masing.

"Sebelum ini, Dana Kota Seni Selangor telah memberi sumbangan kepada pembangunan seni dan kebudayaan di Petaling Jaya dan Shah Alam.

"Inisiatif seperti Rumah Seni Selangor, Festival Tarian Petaling Jaya, Festival Chempulu dan Laman Seni 7 telah menjadi program utama di dalam merancakkan pelbagai bentuk kesenian dan kebudayaan tradisi maupun kontemporari," katanya.



## RM375 juta mantapkan agenda kemajuan Islam

**SELANGOR** komited untuk memantapkan lagi agenda kemajuan Islam menerusi Belanjawan #Selangor2020, kata Dato' Menteri Besar, Amirudin Shari.

Untuk itu, Kerajaan Negeri memperuntukkan RM375.78 juta termasuk bagi eluan jawatankuasa masjid dan surau, peruntukan mengurus Jabatan Agama Islam Selangor (JAIS) dan peruntukan pembangunan JAIS.

Beliau berkata, Kerajaan Negeri turut memperuntukkan RM3 juta untuk menaik taraf Masjid Sultan Salahuddin Abdul Aziz Shah termasuk tempat letak kereta dan ruang solat.

"Sementara itu terdapat-

at dua masjid lagi akan dibina iaitu Masjid Nurul Amin Merbau Sempak, Sungai Buloh dan Masjid Jamek Al-Hikmah, Batu 20, Kuang melalui kerjasama dengan Kerajaan Persekutuan," katanya. Berita baik buat peminat astronomi apabila Kerajaan Negeri mengumumkan tiga balai cerap di negeri ini iaitu Balai Cerap Selangor, Sungai Lang dan Sabak Bernam akan dinaik taraf menerusi peruntukan RM1 juta dalam Belanjawan #Selangor2020.

Amirudin berkata, kerja me-naik taraf ketiga-tiga balai cerap itu dilakukan bagi menambah baik prasarana di semua pusat itu bagi aktiviti pembangunan ilmu astronomi.

Katanya, Balai Cerap Selangor telah mula beroperasi sejak 2010 selepas ia dirasmikan Duli Yang Maha Mulia Sultan Selangor, Sultan Sharafuddin Idris Shah pada 19 Julai 2012.

"Banyak pengkaji melakukan kajian dan penyelidikan angka berhubung pergerakan serta peredaran objek samawi, kajian pembiasan ufuk juga kajian kecerahan langit yang berhubung secara langsung dengan ibadah harian manusia di ketiga-tiga balai cerap itu."

"Pada masa sama, Balai Cerap Selangor turut menjadi tempat kajian beberapa penyelidik terutamanya daripada institusi pengajian tinggi awam dan swasta," katanya.



## Angkat jenama 'Made in Selangor' melalui usahawan desa

JENAMA 'Made in Selangor' akan diangkat bermula 2020 apabila Kerajaan Negeri mengumumkan peruntukan sebanyak RM1 juta bagi memperkena usahawan ekonomi desa sekali gus mewujudkan ekonomi luar bandar yang berdaya saing, kata Dato' Menteri Besar, Amirudin Shari.

Katanya, strategi Pembangunan Desa merupakan fokus utama Kerajaan Selangor sepanjang 2020.

"Selaras dengan itu, Jawatankuasa

Pembangunan Luar Bandar, Desa dan Kampung Tradisi juga akan melaksanakan program yang memfokuskan pembenaran ekonomi warga desa dan kampung tradisi serta meningkatkan taraf sosial rakyat negeri Selangor ke arah kesejahteraan negeri.

"Sebagai contoh program Sarang Ekonomi Desa akan dijadikan sebagai satu inisiatif baru bagi meningkatkan taraf ekonomi dan pendapatan golongan B40 di luar bandar," katanya.



“

Kerajaan Negeri mengumumkan peruntukan sebanyak RM1 juta bagi memperkasa usahawan ekonomi desa

Selangor negeri unggul  
kehidupan bermartabat

# #Selangor2020



Skim Peduli  
Sihat diteruskan  
pada 2020



RM6.85 juta  
urus sisa,  
sampah pukal



FAS terima  
RM10 juta harungi  
musim 2020



Anak istimewa  
terus dapat  
perhatian



Bank Makanan  
RM5 juta bantu  
miskin bandar

MUKA 10

MUKA 11

MUKA 12

MUKA 13

MUKA 14